

寓

山

詩

稿



世

寓山詩稿

乙酉



余自沉埋八股自謂讀書事竣迨申酉二歲疊遭 君

父大變幾欲絕意典墳偶見 伯調先生苦雨一律始知

翰墨中樂地甚多不覺神往色動先生即誘余以詩學率

爾步韻殊慚東隣下里然是為功首故記之以誌 師德

漫漫春水溢街達萬井呼天十二時石燕竟忘巢画棟河魚能

不上清池斷然有日成堯雨未必無烟獨范炊難煉石頭成五

色間窻愁對素緇移

意决

意決雕蟲外身藏十畝中掛弓他日事投筆此時功况抱常山
恨應思楚水忠雄飛不自力中散血長紅

家聲

家聲不易續况復我為兒舊有東山望新添北海悲一身慚後
死百行嘆先虧縱負終軍志請纓已失時

寓山即事

信陵池館屈平魂鳥語花容盡淚痕荆棘滿骨思北闕文章無
路痛西園

其二

蓼莪不斷思親淚離黍重來故國音况復愁端長觸目澄江止
水栢森森

秋日送孫山人還武林

歸雁聲寒天外呼思家張翰憶尊鱸秋雲渺上輶車疾夜月冷
冷佩劍孤賀監索居蓮葉敗陶公歸去菊花蘓胥濤不阻相思
路風雨山林問有無

初秋夜雨

涼颿中夜發秋思滿江湖微月收殘鏡衰荷瀉落珠時方悲屈
宋世已隔唐虞不寐風兼雨無情淚亦枯

其二
夜半梧桐雨翛然枕上過鴈聲愁裏劇木葉曉來多蕭瑟悲三
閭漣灑誦九歌洗兵何日事欲起問銀河

祝山人移居寓園賦贈

幽人靜裏能安穩大隱還思小隱嘉塵念欲隨脩竹冷雄心嬾
向白虹誇籬邊獨把陶潛菊花下相傳陸羽茶莫嘆無魚彈缺
起青門曾老邵平瓜

齋中即事和伯調先生韻

分明好月照山樓顧影空憐志未酬萬里河山千古淚一聲鴻

鴈九天秋避秦欲覓桃源路報越難從范蠡舟最恨文章無好
事生涯今已屬吳鉤

錄悲詩

峩峩山上臺蔚蔚園中柳梟鳥巢其端鳳凰不得偶悲風四面
來吹我腹中酒一醒不復醉決意殺梟母

其二

浮雲霾白日枯樹振寒響顧盼巖石間籊籊結餘想高臺虛風
鳴曲戶游絲網前賢勞拮据後人空悒快遙思長安宮荆棘亦
宜長

其三

易代何足奇滄桑朝暮變人生有壽命成敗車輪轉今日羅雀門當年驄馬院冬夏判榮枯物々各自見獨有西山薇千古長葱蒨

其四

泰山一以頽荷薪實艱苦公輸生我前孰敢運斤斧我父大聖人剛柔不如吐復與龍比心相合成千古繼述不自強舉動若履虎中夜未能寐起坐思門戶

其五

春風展和氣桃李爛生光蟻螬嚙其根實委枝葉黃譬如百病來外感由內傷君子守顛沛事々貴自強神志稍以隳險巖隨我旁前人有典型永矢不可忘

其六

置身泰山岑愈見固壘卑俯臨滄海側細流何其微女兒生村市姣好頗自期忽與西子並乃為衆所嗤鴻鵠飛極天凡鳥安得追佇立望羽毛淚下徒沾衣

其七

袖短覺手寒腹枵思穀美蠶桑知機杼胼胝識耒耜世事如蜩

毛物物有綱紀疇昔弄柔翰目不認彼此一朝持門戶艱辛從此始大厦一木支自是無全理驚畏^馬遠道安能馳千里浩歎據長思憂來難自己

其八

崑^上高山巔中有連理樹根株自相結枝葉自相顧左首棟梁材右首閭苑具大風從天來左樹隨風去右樹顧之悲^上若走兔紛^上桃李花有力難為助

其九

亂離代常有我獨當其難揚親杳無路商賈非所安神仙不足

偶弓矢復未閑大海橫孤舟進退羝羊然與世同浮沉何以慰前賢

其十

仰視日月馳中情慘不樂少壯迭為用及時須卓犖今我覩變遷世事皆齷齪獨醒起禍階^諧訥慚未學良馬則其蹄鬪牛折其角佳會失奔騰遲暮迴相索逼側復逼側將何自結束

鄭公子歌

公子竒絕世無雙轟雷掣電不可當少小^折弛稱無賴交結大抵皆叛亡平生不作謀生計一日費錢三五箱市中猛虎吳興

蛟却與公子稱三豪更有絕力似蓋貴

素書陰符

手開弓八百石右手雙懸千金刀輕身走馬如飛雲作使美女

披青袍赤心耿上意氣烈道逢橫逆目流血殺人那論王侯家

消除煩惱顏色悅直與項羽爭英雄荆軻聶政何足說甲申

痛哉

君死國衆人蚩上公子哭一呼萬歲一呼天日月無光

寒

肅夜聞金陵出天子復飲美酒食肥肉豈知奠鼎不一年胡雛

笑舞南向逐堆師百萬同朝霜千里河山成破竹我上冠裳拜

馬首隊上紅粧隨馬足短衣窄袖稱天兵露布大書江南平忠

臣義士爭先死人言公子何苟公子仰天惟大笑吐上書空不

東晉書

出聲陰破家命倚侶某月某日義旗興匹馬走殺郡中守頃刻

左袒千餘人干戈弓矢一時集威儀不減細柳營奉迎皇孫復

帝仇指揮江左如長城當年陳涉猶小草今日公子真將軍坐

見四海無妖

氣

夷吾之功周旦心

大風歌

大風起兮塵蔽天求死不得兮生無顏日月光照兮四海安誰

能致此兮夢寐間

秋夜與奕起四兄話舊

困頓知君父艱難藉弟兄菜衣君得占陸霧我難平彈劍追前

事論文珍後生聯床何所話風雨夜來聲

與陳止庵金大來作

人心陰處險交誼淡中深天下方荆棘吾儕且竹林全龍三子
合市虎一時箴脉上私相視無人解盞簪

圖書

東音



